

## Tse ka Sehlohong ho 1 le 2 Petrose



### SABATHA MANTSIBOEA

#### Bakeng sa thuto ea beke ena, bala:

Esa. 53:5, 6,9; Lev.16:16–19; Lev. 11:44; Ba-Roma 13:1–7; 1 Ba-Kor. 14:40; 2 Tim. 3:16.

#### Temana ea Khopolo:

“Eena ea jereng libe tsa rōna ’meleng oa hae sefapanong, hore re shoe ka ’nga ea libe, re tle re phelele ho loka; eo le folisitsong ka matetsetso a hae” (1 Petrose 2:24).

**P**etrose oa pele le oa bobeli li ngoletsoe sepheo se tšoarehang. Ho 1 Petrose, taba e kholo eo Petrose a tobanang le eona ke litlhoriso tseo Bakreste ba tobanang le tsona. Ho 2 Petrose, taba e kholo e ne e le baruti ba bohata. Petrose o ngotse ka tšusumetso le ka matla ha a leka ho khothatsa babali ba hae le hona ho ba hlokomelisa malebana le qholotso e ka pole ho bona. Se ka sehlohong ke hore Petrose o arabela litaba tsena ka bobeli. Mahlomola a bakoang ke litlhoriso li entse hore Petrose a nahane ka mahlomola le lefu la Jesu, tse re tliselitseng pholoho. Baruti ba bohata ba tlo tobana le bonnete ba kahlolo, e tlang hoba teng hang ka mora ho khutlela ha Jesu lefatšeng lena. Tsena ke tse ling tsa lihloho tseo Petrose a sebetsanang le tsona mangolong a hae ka bobeli.

Beke ena ea beke ea ho qetela e tla sheba haholo lihloho tse hlano tseo Petrose a ngotseng ka tsona: mahlomola a Jesu re tliselitseng pholoho; karabelo ea rōna tsepong ea hore Molimo o tla ahlola liketso tsa rōna kahlong ea ho qetela; tšepo eo re nang le eona khutleng ho haufi ha Jesu; taolo hara sechaba le ka kerekeng; le mosebetsi mangolo a nang le oona ho faneng ka tataiso maphelong a rōna.

*\*Bala thuto ea beke ena ho lokisetsa Sabatha, 24 Phuptjane.*

# Mahlomola, Jesu, le Pholoho

**Bala** litemana tse latelang, e be o tšoaea hore na temana ka 'ngoe e senolang ka pholoho:

1 Pet. 1:2 \_\_\_\_\_

1 Pet. 1:8, 9 \_\_\_\_\_

1 Pet. 1:18, 19 \_\_\_\_\_

1 Pet. 2:22–25 \_\_\_\_\_

1 Pet. 3:18 \_\_\_\_\_

Ha Petrose a bua ka Pholoho, hangata e ba moeelong oa mahlomola a Jesu e le moemeli oa moetsalibe. Ka mohlala, ho 1 Petrose 2:22–24, ha Petrose a ngola ka mahlomola a Jesu, o sebelisa puo e bontšang Esaia 53:5, 6, 9. “[Jesu] jere libe tsa rōna ’meleng oa hae” sefapanong ’me “re folisitsoe ke matetseto a hae” (1 Pet. 2:24), e bontša taba ea boemeli le sehlabelo.

Ho tse ngata tsa mahlabelo a hlahisitsoeng Bibeleng ea Se-Heberu, baetsalibe ba ne ba tlisa mahlabelo a bona tempeleng le ho beha matsoho holima tsona. Ketso ena ka tšoantšetso e ne e fetisetsa sebe ho tloha ho moetsalibe ho ea phoofolong, tse joale li neng li shoa boemong ba moetsalibe (Lev. 4:29, 30, 33, 34; 14:10–13). Litšila tsa sebe tse neng li bokellana aletareng li ne li hloekisoa le ho tlosoa letsatsing la lipheko (Lev.16:16–19).

Mali a mahlabelo a ne a bapala karolo e bohlokoa phekong ea sebe. Bakreste ba rekiloe ka mali a bohlokoa a Jesu (1 Pet. 1:18, 19). Paulose, le eena, hlahisitse khopolo e tšoanang ea boemeli: Jesu, ea neng a sa tsebe sebe, e bile sebe bakeng sa rōna (2 Ba-Kor. 5:21). Joalo ka ha 1 Petrose 3:18 e bolela, Kreste o ile a hlokofatsoa ka lebaka la libe, (Jesu) ea lokileng bakeng sa (rōna) baetsalibe.

Joalo ka Paulose (Ba-Roma 3:21, 22), Petrose o tiisa taba ea tumelo. Joalo kaha a bolela ho babali ba hae: “Eo le mo ratang, leha le sa ka la ’mona . . . le ntse le ikhapela moputso oa tumelo ea lōna, e leng poloko ea meea ea lōna” (1 Pet. 1:8, 9). Pholoho ha e fumanoe ka boitšoarō bo lokileng, empa e fanoa ha re lumela ho seo Jesu a re etselitseng sona le ho mo amohela e le mopholosi oa rōna. Tiisetso ea rōna e fumanoa ho eena, e seng ho rōna. Ha e ne e ba e ho rōna, netefaletso ea sebele re ne re tla e nka kae?

**Hobaneng Jesu e le moemeli oa rōna, e le tšepo e Kholo ea Pholoho? Ke matšelisō afe ao u ka a nkang ’neteng ee ea bohlokoa?**

## Re Lokela ho Phela Joang?

Sehloho seo Petrose a khutlelang ho sona khafetsa ho feta sefe kapa sefe se tlisoa ke potso eo a e botsang ho 2 Petrose 3:11: “Joale ha e le lintho tseo tsohle, li li abetsoe ho felisoa, e ka khona le be batho ba matla hakakang liketsong tse halalelang tsa borapeli?”.

**Bala** litemana tse latelang. **Petrose o re’ng ka boitšoaro ba Mokreste? 1 Pet. 1:15–17, 22; 1 Pet. 2:1; 1 Pet. 3:8, 9; 1 Pet. 4:7–11; 2 Pet. 3:11.**

---



---



---

Petrose o sheba boitšoaro ba Bokreste likarolong tse ngata mangolong a hae a mabeli, ’me lihloho tse ’maloa li ntse li hlahella mona le mane. Ea pele, Petrose habeli o tiisa khokahano lioakeng tsa kahlolo ea Molimo le boitšoaro ba Bokreste (1 Pet. 1:17 le 2 Pet. 3:11). Molimo o tla ahlola liketso tsa bohle. Ka hona, Mokreste o lokela ho phela bophelo ba khalalelo.

Ea bobeli, ka linako tse ’maloa Petrose o bua ka hore Bakreste ba lokela ho halalela. Bibeleng ea se-Heberu, lintho tse halalelang li behelloa ka thoko ho sebelisoa tempeleng (Exoda 26:34; 28:36; 29:6, 37) kapa bakeng sa sepheo sa Molimo (ka mohlala, Sabatha ho Genese 2:3). Hantle, morero oa Molimo e ne e le hore batho ba hae ba halalele, joalo ka ha a halalela, sehloho seo Petrose a fetileng sona, le sona (Lev. 11:44; 19:2; 1 Pet. 1:15, 16). Mokhoa oa ho behella ntho e ’ngoe kathoko e halalela e bitsoa “ho beoa ea lokelileng ka tumelo,” ’me takatso ea Petrose ke hore babali ba hae ba beoe ba lokileng ke Moea ’me ba be le kutlo ho Jesu (1 Pet. 1:2).

Ea boraro, Petrose o fane ka mohlala oa mofuta oa boitšoaro o loketseng ho bao ba lokafalitsong. Ba lokela ho felisa lonya, thetso, boiketsiso, mohono, le liketselletso (1 Pet. 2:1). Ba lokela ho ba khopolo e le ’ngoe, ba ratane, le mohau (1 Pet. 3:8, 9). Ba lokela ho ba le molemo, borapeli, lem lerato (2 Pet. 1:5–7). Ruri ba lokela ho phehella leratong (1 Pet. 4:7–11). Qetellong, Petrose o khothaletsa bamameli ba hae ho lahlela lipelaelo tsa bona ho Jesu (1 Pet. 5:7).

**Ke joang re ka ithutang ho khothatsana ka litsela tse sa ahloleng, ho phela bophelo boo Petrose a re biletang bona li-epistoleng tsa hae?**

---

# Tšepo ho Khutleng Labobeli

**Bala** litemana tse latelang, 'me u tšoa hore na li re'ng ka liketsahalo tsa bokamoso:

1 Pet. 1:4 \_\_\_\_\_

1 Pet. 1:17 \_\_\_\_\_

1 Pet. 4:5, 6 \_\_\_\_\_

1 Pet. 4:17 \_\_\_\_\_

2 Pet. 3:1–10 \_\_\_\_\_

E 'ngoe ea lintho tse hlokolosi tse tobaneng le bao pele ba balileng le ho utloa 1 Petrose ke lithloriso. Petrose o tšelisa babali ba hae ka khopolo ea hore, leha maphelo a bona a ka tla la lithloriso, ho na le moqhaka o ba emetseng leholimong, moputso o ke keng oa tlosoa. E sa le qalong ea 1 Petrose, o bua ka hore Bakreste ba na le lefa le sa bolengvle bolokiloeng leholimong bakeng sa bona (1 Pet. 1:4).

Petrose o hloaea lintho tse peli tse tla nka sebaka kamoso: kahlolo ea ho qetela le timetso e mpe ea bokhopo. Ka mantsoe a mang, o bontša hore leha na le lithloriso ha joale, toka le kahlolo li tla etsoa, 'me balumeli ba tla amohela meputso ea bona ea ka ho sa feleng.

Petrose o bua ka kahlolo liketsahalong tse tharo tse arohaneng (1 Pet. 1:17; 4:5, 6, 17). O re Molimo Ntate o ahlola batho bohle e seng ka tšobotsi ho ea ka liketso tsa bona (1 Pet. 1:17). O bontša hore Jesu ka bo eena o eme a le malala-a-laotsoe ho ahlola ba phelang le ba shoeleng (1 Pet. 4:5). Hape o etsa polelo e thahasellisang ka hore kahlolo e qala ka ntleng ea Molimo (1 Pet. 4:17).

Petrose hape o tiisa hore ba “nyefolang” ba tla timela ka mollo (2 Pet. 3:7). Petrose o nka nako a sebetsana le mathata a hlahlileng ka hore na Jesu ke 'nete o tla khutla na (2 Pet. 3:1–10). O supa hore “tieho” ea ho khutla ha Jesu ke ho lumella batho ba bangata hore ba bake le ho bolokeha. Hape o supa hore bonnete ba ho ikarabella kamoso bo lokela ho kholisa bohle ho phela bophelo ba khalalelo le ho se nang sekoli.

Ka hona, leha tsepame Petrose o mona, hona joale, le ho pheleng Bokreste bo phelehang, o ntse a beha kapele ho babali ba hae tšepo e ba emetaseng kamoso. Ka bokhutšoanyane, ho sa natsoe maemo ha joale, ba lokela ho tsoela pele ka tumelo le kutlo.

**Hobaneng hape, u lokelang ho tsoela pele ka tumelo le kutlo, ho sa natsoe maemo a hao? U na le boikhetlo bo feng?**

## Taolo Sechabeng le ka Kerekeng

**Bala** litemana tse latelang. Petrose o reng litemaneng tsee ka bohlokoa ba puso le boetapele ba kereke, le ka moo Bakreste ba lokelang li arabela ka bobeli? Ke joang mantsoe a hae a lokelang ho kenngoa tšebetsong kajeno, ho sa natsoe hore na re phela kae?

1 Pet. 2:11–21 \_\_\_\_\_

\_\_\_\_\_

\_\_\_\_\_

1 Pet. 5:1–5 \_\_\_\_\_

\_\_\_\_\_

\_\_\_\_\_

Petrose o phetse nakong eo Bakreste mona le mane ba neng ba hlorisoa ke puso le baetapele ba bolumeli. Sena se tiisa bohlokoa ba seo eena le Paulose ba boelang hore se etsoe ka boemo bo nepahetseng ba puso le borena (1 Pet. 2:13–17, Ba-Roma 13:1–7). Bobeli Petrose le Paulose, baetapele ba puso ba beiloe ke Molimo ka sebele ho lula e le khalemelo ho ba etsang hampe. E, ho na le linako tseo matla a busang e ka bang bothata. Bakreste ba ile ba tobana le sena nakong ea bo-Petrose, 'me e tla mpefala lilemong tse tlang.

Empa, ka kakaretso, khopolo ke hore puso e ntle e tla boloka molao le tšireletso. Le kajeno ho na le mehlala eo ho eona molao le taolo li oeleng, 'me ho ka bonoa tlhokalo ea puso e ntle. Ke 'nete; puso e ntle ke e 'ngoe ea lotlhonolofatso tsa Molimo eo a e fileng batho. Petrose ntle ho tika-tiko o arolelana kholiseho le Paulose hore puso e ntle ea kereke e bohlokoa. Paulose oa tiisa, “Tsohle li etsoe ka tsoanelo le ka molao” (1 Ba-Kor. 14:40), litšebelsetso tsa khumamelo tsa kereke. Petrose ka tsela e tsoanang o kopa baetapele ba kereke ho “Alosa mohlape oa Molimo o ho lōna”(1 Pet. 5:2). Ba lokela ho etsa seo ka bokikobetso le hlakolosi. Likereke tsa lehae li lokela ho etelloa pele hantle. Baetapele ba batle ba fana ka pono le tšebelisano, le ho lumella ba bang ho sebelisa lineo tsa bona tsa moea bakeng sa ho tlotlisa Molimo.

**1 Petrose 5:5 e re u lokela ho ikapesa ka boikokobetso e mong ho e mong. Ke joang re ka ithutang ho etsa joalo? U ka etsa'ng, uena, ho kenya see tšebetsong likamanong tsa hao?**

\_\_\_\_\_

## Qalo ea Mangolo

**Bala** liratsoana tse latelang. Li re'ng ka Bibe e ka re thusang ho utloisisa kajeno hore na tšebetso ea eona maphelong a rōna le tumelo?

1 Pet. 1:10–12 \_\_\_\_\_

2 Pet. 1:16–20 \_\_\_\_\_

2 Pet. 3:2 \_\_\_\_\_

2 Pet. 3:16 \_\_\_\_\_

Lengolong la hae la bobeli, Petrose o thula baruti ba bohata ka phatla. O supa babali ba hae mehloling e 'meli ea matla ha a re, “Le tle le hopole litaba tse boletsoeng pele ke baporofeta ba halalelang, le molao oa Morena 'Moloki, oo le o beetsoeng ke baapostola ba lōna” (2 Pet. 3:2). Kajeno re na le thuso e tšoanang le mantsoe “baporofeta ba halalelang”—ke hore, Testamente ea Khale. Baapostola ba phelang ha ba sa le eo ho rōna, ke 'nete, empa ka tsela e itseng re na le se molemonyana: bopaki ba bona bo susumelitsoeng, joalo ka ha bo senotsoe Testamenteng e Ncha. Mattheu, Mareka, Luka, le Johanne ba re sietse pale ea bophelo, lefu le tsoho ea Jesu. Liketsong tsa baapostola, re sietsoe litlaleho tsa liketso tsa baapostola. 'Me ruri re ka bala mantsoe a tšusumetso a baapostola ka bo bona. Paulose o ngola ka matla ka matla a lentsoe la Molimo (2 Tim. 3:16). Petrose, joale, o isa babali ba hae mangolong e le mohloli oa lithuto le matla a boitšoarō.

Ho 2 Petrose 3:16, Petrose o hlokomelisa babali ba hae le bamameli hore leha mangolo e le mohloli oa 'nete, ntle le ho ela hloko molaetsa oo Moea o Halalelang o batlang hore re o utloisise, mohloli oa 'nete ka bo oona o ka se ke oa utloisisoa, 'me sena se ka tlisa litholoana tse seng monate.

Mantsoe a hae e lokela ho ba sehopotso se setle ho rōna ka metheo ea ho ithuta Bibe. Re lokela ho bala seratsoana sa lengolo ka thapelo. Re lokela ho se bala re shebile boemo ba sona khaolong, bukeng le Bibe ka bo eona. Sengoli se hantle-ntle se ne se bua ka eng ha se ngola? Re lokela ho bala re le leseling la nalane ea se neng se etsahala ha e tla ngoloa. (Boemong ba 1 le 2 Petrose, seba e tla ba 'muso oa Roma oa lekholo la pele la lilemo.) re lokela ho e bala ka ho batla leseli la semoea le ka tsebo ea hore pholoho e tlišoang ke sehlabelo sa lefu la Kreste ke khubu ea molaetsa oa Bibe (1 Pet. 1:10–12). Qetellong, re lokela ho e bala boemong ba maphelo a rōna. Ke 'nete eo Molimo a re lakaletsang hore re e fumane? Ke joang re ka kenyang lentsoe le ngoliloeng tšebetsong maphelong a rōna ka tsela e tliša litholoana tse molemo 'musong oa Molimo?

## Ho Ithuta Haholoanayane:

Le hara thuto-Molimo e ngata, mangolo a Petrose a beha tiiso e matla holima bophelo ba Mokreste le ka moo re lokelang ho amana. Ka mantsoe a mang, ee, re lokela ho tseba 'nete e le joalo ho Jesu. Empa ha bohlokoa ka ho fetisisa, re hloka ho phela 'nete eo hape. Pejana, re fumane mantsoe ana: “Joale, meea ea lōna ha e hlatsitsoe ke ho utloa 'nete, hore le be le lerato la boena le se nang boketsiso, le ke le rataneng ka ho tiea ka pelo e hloekileng” (1 Pet. 1:22). Hlokomela ka moo a hokahanyang tlhoekiso ea meea ea rōna le ho utloa 'nete. 'Nete ea re fetola, e re etsa batho ba ratanang ka tieo le “ka pelo e hloekileng.” Kutlo, pelo e hloekileng, le lerato—boraro ba tsona lia amana. Ke seo re lokelang ho se tsetselela. Na u ka nahana hore na maphelo a rōna aka fapana ho le ho kae le likereke tsa rōna ha re ne re ka latela khotatso ee? Nahana hore na e ka etsesa kereke kopano efe, haeba ho se ho hong. “Baena, le ne le tla nka moea oa Krete ha lea malapeng le likerekeng? Le ne le tla behella kathoko ho se lumele le nyatso? Re tla nakong eo, ho feta pele, re tla hloka ho ba 'moho, ho sebetsa ka bonngoe. Kopano ke matla. Karohanong ke moo re fokolang.”—Ellen G. White, *Selected Messages*, book 2, pp. 373, 374.

## Lipotso tsa ho Qoqoa:

- 1. Ho 2 Petrose 3:12, moapostola o ngotse hore re lokela “Le ntse le lebelletse, 'me le akofisa ho tla ha letsatsi la Molimo, leo maholimo a tla felisoa ke ho cha ka lōna, 'me metheo e tla qhibiliha ke ho cha”. O bolela eng ha a re re lokela ho “akofisa” letsatsi la Molimo? Ke joang re ka akofisang letsatsi la Molimo, ke hore, ho khutla labobeli?**
- 2. Re re tlholeho ke “buka ea Molimo ea bobeli.” Ka bomalimabe, joalo ka buka ea pele (Bibele), buka ena ea bobeli e ka tollokoa hampe, le eona. Ka mohlala, bakeng sa batho ba bangata molaetsa oa popo le sepheo o lebetsoe tlholehong, o nketsoe sebaka ke khopolo taba ea Darwin ea phetoho le tlhaho e itaolang. Lefatše, rea bolelloa, ha lea hloloa; empa, le shebahala joalo ho rōna. Ke joang joale, re ka balang le ho toloka buka ea bobeli ka tsela e nepahetseng? Ke likhaello life tseo buka ea bobeli e nang le tsona ho ka re ruta ka Molimo? Ke thuso efe eo ka e fumanang ho tsoa bukeng ea pele tse re thusang ho utloisisa ea bobeli hantle? Ho etsahala eng ha botoloki ba rōna ba tlholeho, buka bobeli, bo hanana le botoloki ba buka ea pele, Bibele? Bothata bo ho kae?**